

RESOLUCIÓN REITORAL DO 04 DE XUÑO DE 2025 POLA QUE SE CONVOCAN AXUDAS, NO RÉXIME DE CONCORRENCIA NON COMPETITIVA, PARA FACILITAR A MOBILIDADE DO PERSOAL INVESTIGADOR DA USC DURANTE O CURSO ACADÉMICO 2024-2025

A Universidade de Santiago de Compostela, de acordo cos seus Estatutos, é unha institución de dereito público, que ten entre as súas finalidades a creación, desenvolvemento e transmisión crítica do coñecemento; a difusión, valorización e transferencia dese coñecemento, así como o apoio científico, técnico, artístico e humanístico ao desenvolvemento social, económico e cultural da sociedade galega que a sustenta.

Para contribuír a acadar eses obxectivos, cómpre impulsar medidas que faciliten a participación das persoas da comunidade investigadora da USC en reunións científicas e eventos que teñan como obxectivo a creación e transmisión do coñecemento mencionado. Coa dita finalidade, apróbase a presente convocatoria interna de axudas á mobilidade.

O procedemento de concesión será o de réxime de concorrencia non competitiva, de acordo co disposto no artigo 19.2 da Lei 9/2007, do 13 de xuño, de subvencións de Galicia, exceptuando do requisito de fixar unha orde de prelación cando, polo obxecto e a finalidade da subvención, non sexa necesario realizar a comparación e prelación das solicitudes presentadas nun único procedemento, ata o esgotamento do crédito orzamentario coas garantías previstas no artigo 31.4 da mesma lei. Así mesmo, empregarase o procedemento abreviado establecido no artigo 22 da Lei 9/2007.

Artigo 1. Obxecto da convocatoria.

O obxecto da convocatoria é co-financiar os desprazamentos fóra de Galicia de persoal investigador ou persoal de apoio á investigación vinculado á USC, que non contén con outra fonte de financiamento que se realicen ou que tivesen lugar entre o **01 de xaneiro de 2025 ata 30 de novembro de 2025** co fin de:

- Participar activamente en congresos científicos nacionais ou internacionais.
- Realizar estadias curtas para actividades de investigación.
- Asistir e participar en actividades formativas de curta duración, relacionada co posto de traballo.

Artigo 2. Orzamento

O importe total do orzamento irá destinado á financiar as solicitudes de axudas á mobilidade que cumpran os requisitos indicados nesta convocatoria ata un total de **23.750 euros**, con cargo á partida orzamentaria **8050-2302-64300**, e a súa distribución temporal será a indicada no artigo 3.

O crédito mencionado poderá ampliarse no caso de se obtivesen fondos finalistas para a mesma finalidade, ou ben con recursos propios, cando deriven dunha xeración, ampliación ou incorporación de crédito.

Artigo 3. Requisitos das persoas solicitantes

As persoas solicitantes deberán pertencer ao colectivo do persoal investigador da USC cun contrato laboral, predoutorais matriculados na etapa de tese da USC, ou persoal de apoio á investigación da USC, e non poder acceder a axudas para a mesma finalidade procedentes doutras convocatorias. Por esta razón quedan excluídas as persoas destes colectivos que estean adscritas aos centros singulares de investigación e aquelas integradas en grupos de referencia competitiva.

No caso dos investigadores predoutorais, **deberán estar matriculados nun programa de doutoramento da USC**. O requisito de vinculación e matrícula deberá manterse durante as datas de celebración do congreso, curso, etc.

Poderán igualmente ser beneficiarias as persoas con contratos de substitución nos cadros de PDI.

Artigo 4. Características dos gastos elixibles.

Financiaranse con cargo a estas axudas unicamente gastos efectivamente realizados derivados de desprazamentos e inscricións nos eventos previstos que se realicen nas datas indicadas no artigo 1, sempre que **non** contén con outra fonte de financiamento.

O importe máximo que se pode financiar será de 100 euros por día, ata un máximo de 300 euros.

Con cargo a esta convocatoria unicamente se financiara unha axuda por persoa solicitante.

Artigo 5. Prazo e formalización de solicitudes.

O prazo de presentación de solicitudes comezará a partir do seguinte ao da publicación desta convocatoria no taboleiro da USC, e finalizará o día 15/10/2025, ou ben ata esgotar o orzamento indicado nesta convocatoria

As solicitudes de participación serán presentadas polas persoas que cumpran os requisitos establecidos no artigo 3, de conformidade co procedemento que se describe neste artigo.

1. A presentación de solicitudes farase a través da [Sede Electrónica da Universidade de Santiago de Compostela](#), empregando o formulario de solicitude dispoñible dirixido á Área de Investigación, ou por calquera dos medios establecidos no artigo 16 da Lei 39/2015 do 1 de outubro, do procedemento administrativo común das administracións públicas. Presentada a solicitude no rexistro electrónico da USC, e recepcionada pola Subárea de Convocatorias e RRHH de I+D da Área de Xestión da Investigación, á persoa solicitante recibirá, ao enderezo de **correo electrónico** indicado na súa solicitude, instrucións de como debe presentar os documentos requiridos para avaliar a súa solicitude aos que se refire o artigo 7 desta convocatoria.
2. Na solicitude deberá indicarse que desexa participar no proceso de selección e avaliación do persoal investigador predoutoral en formación (Non é preciso achegar ningunha documentación no momento de realizar este rexistro).
 - Asunto da solicitude: Axudas no réxime de concorrencia non competitiva, para facilitar a mobilidade.
 - Expón que: indicar os seus datos persoais, vinculación coa USC e grupo de investigación no que está integrada a persoa solicitante.
 - Solicita: participar na convocatoria de axudas no réxime de concorrencia non competitiva, para facilitar a mobilidade 2025.

Aquelas solicitudes que non realicen a presentación conforme ao disposto no presente artigo teranse por desistidas, previa resolución que deberá ser ditada nos termos previstos no artigo 21 da Lei 39/2015, do 1 de outubro.

Artigo 7. Contido e documentación requirida

Os documentos requiridos que as persoas solicitantes deberán achegar, son os seguintes documentos:

1. Certificación ou documento acreditativo da conta bancaria, no caso de non ser perceptor de nómina da USC.

2. Breve explicación do interese científico do evento no que se pretende participar para o traballo desenvolto na USC. Anexo I
3. Relación dos gastos previstos derivados da actividade que se pretende realizar. Anexo II.

Artigo 8. Instrución e tramitación do procedemento

O órgano competente para a instrución do procedemento será a Vicerreitoría de Política Científica da Universidade de Santiago de Compostela.

Periodicamente publicarase unha resolución provisional de persoas admitidas e excluídas no Taboleiro Electrónico da USC, e que poderá consultarse na páxina web da Vicerreitoría de Política Científica con indicación, das causas de exclusión.

As persoas solicitantes excluídas disporán dun prazo de cinco días naturais, contados a partir do seguinte ao da publicación da citada resolución, para poder emendar ou acompañar os documentos que motivaron a súa exclusión. Se transcorrido o devandito prazo non se subsanou a solicitude entenderase por **desistida** da súa petición.

A subsanación farase unicamente a través da sede electrónica da USC, e as solicitudes serán dirixidas a Area de Investigación, indicando o seguinte:

- Asunto da solicitude: Subsanación das axudas no réxime de concorrencia non competitiva, para facilitar a mobilidade
- Expón que: que logo de estar excluída a súa solicitude de participación relativa as axudas no réxime de concorrencia non competitiva, para facilitar a mobilidade 2025.
- Solicita: Que lle sexa subsanada o motivo da súa exclusión.

Artigo 9. Concesión das axudas.

De acordo co indicado no último parágrafo do artigo 3, a concesión das axudas, para aquelas persoas que cumpran os requisitos, outorgarase por orde de presentación das solicitudes mediante rexistro electrónico ata a data establecida como fin de presentación de solicitudes ou ata esgotar o orzamento indicado nesta convocatoria no artigo 2.

Esta concesión será notificada ás persoas interesadas mediante publicación na páxina web de Investigación da USC, así como no Taboleiro Electrónico da USC.

Artigo 10. Libramento da axuda

O importe concedido a cada persoa beneficiaria abonarase por transferencia bancaria unha vez recibida e verificada a declaración responsable que se empregará como conta xustificativa, coas condicións que se especifican no apartado seguinte.

Artigo 11. Xustificación da axuda

As persoas beneficiarias deberán presentar durante o **mes de xaneiro do 2026**, a través do correo electrónico investigacion.rrhh@usc.es a documentación relativa a xustificación dos gastos realizados ao amparo destas axudas.

A documentación que deberá achegarse poderán ser facturas ou documentos contables de valor probatorio equivalente, contratos, xustificantes de transferencias bancarias ou calquera outro medio equivalente no tráfico xurídico.

O período válido do gasto efectuado será entre o desde o **01/01/2025 ata o 31/12/2025**.

No caso de non acreditar documentalmente os gastos realizados e contidos na declaración responsable, a persoa beneficiaria estará obrigada ao reembolso da totalidade da axuda concedida. A USC, se fora o caso, utilizará os mecanismos de constrinximento que prevé a lexislación aplicable para recuperar os ditos importes, sen prexuízo das accións sancionadoras que proceda aplicar.

Artigo 12. Compatibilidade das axudas

As presentes axudas son compatibles con calquera outra, sempre que o custe da actividades subvencionada non sexa superior á suma das axudas. Nese caso a contía reduciríase ata cubrir os gastos acreditados.

O Reitor da Universidade de Santiago de Compostela

Antonio López Díaz

ANEXO I

AXUDA ECONÓMICA PARA FACILITAR A MOBILIDADE DO PERSOAL INVESTIGADOR DA USC

APELIDOS E NOME:			
DNI			
TIPO DE VINCULACIÓN COA USC:			
Evento ao que se pretende asistir (denominación e lugar)			
Datas de celebración do evento, dende:		Ata:	
Breve explicación do interese científico do evento			

Data:

Sinatura:

AXUDA ECONÓMICA PARA FACILITAR A MOBILIDADE DO PERSOAL INVESTIGADOR DA USC

APELIDOS E NOME:	
DNI:	
TIPO DE VINCULACIÓN COA USC:	
CONTA BANCARIA (IBAN) no caso de non dispoñer de nómina na USC:	

CONCEPTO DO GASTO		IMPORTE
TOTAL		

Sinatura:

Sinatura dixital / Firma digital / Digital signature

Asinante/Firmante/Signer: ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA,
04/06/2025 14:39:14.

CSV: C098-4FB4-40D7-B08C